

中國歷代文藝文選

上編

蔡尙思選

周

行露 三章

周詩經召南

碩人 二章

衛風

氓 三章

同上

溱洧 一章

鄭風

鷓鴣 三章

齊風

伐檀 一章

魏風

碩鼠 一章

同上

兼葭 三章

秦風

澤陂 一章

陳風

七月 二章

幽風

鷓鴣 二章

中國文藝文選 目錄

東山二章

同上

采薇一章

小雅鹿鳴之什

正月四章

同上節南山之什

十月之交二章

同上

小弁二章

同上

北山四章

谷風之什

以上詩經

涉江九章之二

戰國屈原

懷沙九章之五

同上

九辯四首

宋玉

登徒子賦

宋玉(?)

以上楚辭

蠶賦

荀卿

掩詩

同上

以上荀賦

行露

三章

詩經召南

厭浥行露。豈不夙夜？謂行多露。

誰謂雀無角，何以穿我屋？誰謂女無家，何以速我獄？雖速我獄，室家不足。
誰謂鼠無牙，何以穿我墉？誰謂女無家，何以速我訟？雖速我訟，亦不女從！

碩人

二章

詩經衛風

碩人其碩，衣錦褰衣，齊侯之子，衛侯之妻，東宮之妹，邢侯之姨，譚公維私。
手如柔荑，膚如凝脂，領如蝤蛴，齒如瓠犀，螭首蛾眉，巧笑倩兮，美目盼兮。

氓

三章

詩經衛風

氓之蚩蚩，抱布貿絲；匪來貿絲，來即我謀。送子涉淇，至于頓丘。匪我愆期，子無良媒。將子無怒，秋以爲期！

乘彼墜垣，以望復關，不見復關，泣涕漣漣，既見復關，載笑載言：「爾卜爾筮，體

無咎言。以爾車來，以我賄遷！」

及爾偕老；老使我怨！淇則有岸；隰則有泮。總角之宴，言笑晏晏；信誓旦旦，不思其反。反是不思，亦已焉哉！

溱洧

一章

詩經鄭風

溱與洧，方渙渙兮。士與女，方秉簡兮。女曰「觀乎！」士曰「既且」。且往觀乎；洧之外，洵訏且樂」。維士與女，伊其相謔，贈之以勺藥。

鷓鴣鳴

三章

詩經齊風

「雞既鳴矣，朝既盈矣；」匪雞則鳴，蒼蠅之聲。

「東方明矣，朝既昌矣；」匪東方則明，月出之光。

「虫飛薨薨，甘與子同夢；會且歸矣，無庶予子憎。」

伐檀

一章

詩經魏風

坎坎伐檀兮，寘之河之干兮。河水清且漣漪。不稼不穡，胡取禾三百廛兮；不狩不獵，胡瞻爾庭有縣貆音桓。彼君子兮，不素餐兮。

碩鼠

一章

詩經魏風

碩鼠碩鼠，無食我黍，三歲貫女，莫我肯顧。逝將去女，適彼樂土。樂土樂土，爰得我所。

蒹葭

三章

詩經秦風

蒹葭蒼蒼，白露爲霜。所謂伊人，在水一方。溯洄從之，道阻且長；溯遊從之，宛在水中央。

蒹葭萋萋，白露未晞。所謂伊人，在水之湄。溯洄從之，道阻且躋；溯遊從之，宛在水中央。

蒹葭采采，白露未已。所謂伊人，在水之涘。溯洄從之，道阻且右；溯遊從之，宛在水中央。

澤陂

一章

詩經陳風

彼澤之陂，有蒲與荷，有美一人，傷如之何！寤寐無爲，涕泗滂沱！

七月

二章

詩經豳風

七月流火，九月授衣；一之日鶩發，二之日栗烈。無衣無褐，何以卒歲？三之日于耜，四之日舉趾，同我婦子，饒彼南畝，田峻至喜。

七月流火、九月授衣；春日載陽，有鳴倉庚。女執懿筐，遵彼微行，爰求柔桑。春日遲遲，采蘩祁祁，女心傷悲，殆及公子同歸。

鴟鵂

二章

詩經豳風

鴟鵂鴟鵂！既取我子，無毀我室！恩斯勤斯，鬻子之閔斯。

予羽譙譙！予尾翛翛！予室翘翘！風雨所漂搖！予維音嘒嘒！

東山

二章

詩經豳風

我徂東山，惓惓不歸。我來自東，零雨其濛。鶴鳴于垤，婦嘆于室。洒埽穹窒，我征
聿至。有敦瓜苦，烝在栗薪。自我不見，于今三年。

我徂東山，惓惓不歸。我來自東，零雨其濛。倉庚于飛，熠熠其羽。之子于歸，皇駁
其馬，親結其綯，九十其儀。其新孔嘉；其舊如之何。

采薇

一章

詩經小雅鹿鳴之什

昔我往矣，楊柳依依；今我來思，雨雪霏霏；行道遲遲，載渴載飢，我心傷悲，莫知
我哀！

正月

四章

詩經小雅節南山之什

父母生我，胡俾我殤；不自我先，不自我後。好言自口，莠言自口；憂心愈愈，是以
有悔。

憂心惓惓，念我無祿；民之無辜，并其臣僕，哀我人斯，于何從祿；瞻烏爰止，于誰
之屋？

彼有旨酒，又有嘉穀，洽比其鄰，昏姻孔云；念我獨，憂心慙慙。
此此
彼彼
彼有屋，蔌蔌方有穀；民今之無祿，天天是核。智矣富人；哀此惇獨！

十月之交

二章

詩經小雅節南山之什

黽勉從事，不敢告勞，無罪無辜，讒口囂囂，下民之孽，匪降自天，噂沓背憎，職競由人。

悠悠我里，亦孔之瘁！四方有羨；我獨居憂。民莫不逸；我獨不敢休。天命不徹，我不敢傲我友自逸。

小弁

二章

詩經小雅節南山之什

并彼鷺斯，歸飛提提。民莫不穀；我獨于罹。何辜於天，我罪伊何！心之憂矣，云如之何！

踽踽周道，翰爲茂草。我心憂傷，惄焉如擣！假寐永歎，維憂用老！心之憂矣，疢如疾首！

北山

四章

詩經小雅谷風之什

溥天之下，莫非王土；率土之濱，莫非王臣；大夫不均，我從事獨賢。
或燕燕居息；或盡瘁事國。或息偃在牀；或不已于行。
或不知叫號；或慘慘劬勞。或棲遲偃仰；或王事鞅掌。
或湛樂飲酒；或慘慘畏咎。或出入風議；或靡事不爲。

涉江

九章之二

戰國屈原

余幼好此奇服兮，年既老而不衰；帶長鋏之陸離兮，冠切雲之崔嵬，被明月兮珮寶璐。世溷濁而莫余知兮，吾方高馳而不顧；駕青虬兮驂白螭，吾與重華遊兮璠之圃。登崑崙兮食玉英，與天地兮比壽，與日月兮齊光。哀南夷之莫吾知兮，且余濟乎江湖；乘鄂渚而反顧兮，欸秋冬之緒風。步余馬兮山皋，邸余車兮方林。乘舫船余上沅兮，齊吳榜以擊汰；船容與而不進兮，淹回水而疑滯。朝發枉渚兮，夕宿辰陽。苟余心其端直兮，雖僻遠而何傷！入溱浦余儷侗兮，迷不知吾所如；深林杳以冥冥兮，乃猿狖之所居。山峻高以蔽日兮，下幽晦以多雨。霰雪紛其無垠兮，雲霧霏而承宇。哀吾生之無樂兮，幽獨處乎山中。吾不能變心而從俗兮，固將愁苦而終窮。接輿髡首兮，桑扈贏行。忠不必用兮，賢不必以。伍子逢殃兮，比干菹醢。與前世而皆然兮，吾又何怨乎今之人！余將董道而不豫兮，固將重昏而終身。

亂曰：鸞鳥鳳皇，日以遠兮；燕雀烏鵲，巢堂壇兮。露申辛夷，死林薄兮；腥臊

並御，芳不得薄兮。陰陽易位，時不當兮。懷信佗僚，忽乎吾將行兮！（楚辭）

懷沙

九章之五

戰國屈原

滔滔孟夏兮，草木莽莽。傷懷永哀兮，汨徂南土。眀兮杳杳，孔靜幽默。鬱結紆軫兮，離慙而長鞠。撫情効志兮，寃屈而自抑。剗方以爲圓兮，常度未替。易初本迪兮，君子所鄙。章畫志墨兮，前圖未改。內厚質正兮，大人所盛。巧極不斷兮，孰察其揆正。玄文處幽兮，朦朧謂之不章。離婁微睇兮，瞽以爲無明。變白以爲黑兮，倒上以爲下。鳳皇在笱兮，鷄鶩翔舞。同糅玉石兮，一槩而相量。夫惟黨人鄙固兮，羌不知余之所臧。任重載盛兮，陷滯而不濟。懷瑾握瑜兮，窮不知所示。邑犬羣吠兮，吠所怪也。非佞疑傑兮，固庸態也。文質疏內兮，衆不知余之異采。材朴委積兮，莫知余之所有。重仁襲義兮，謹厚以爲豐。重華不可選兮，孰知余之從容。古固有不立兮，豈知其何故。湯禹久遠兮，邈而不可慕。懲違改忿兮，抑心而自強。離慙而不遷兮，願志之有像。進路北次兮，日昧昧其將暮。舒憂娛哀兮，限之以大故。

亂曰：浩浩沅湘，分流汨兮。修路幽蔽，道遠忽兮。懷質抱情，獨無匹兮。伯樂既沒，驥焉程兮。萬民之生，各有所錯兮。定心廣志，余何畏懼兮。曾傷爰哀。永嘆喟兮。世溷濁莫吾知，人心不可謂兮。知死不可讓，願勿愛兮。明告君子，吾將以爲類兮。（楚辭）

九辯

四首

戰國宋玉

悲哉秋之爲氣也：蕭瑟兮草木搖落而變衰。撩慄兮若在遠行，登山臨水兮送將歸。沈寥兮天高而氣清，寂寥兮收潦而水清。憫悽增歎兮薄寒之中人，愴怳懷恨兮去故而就新。坎壈兮貧士失職而志不平，廓落兮羈旅而無友生，惆悵兮而私自憐。燕翩翩其辭歸兮，蟬寂寞而無聲。雁噙噙而南遊兮，鷓鴣啁啾而悲鳴。獨中夜而不寐兮，哀蟋蟀之宵征。時聲聲而過中兮，蹇淹留而無成。

皇天平分四時兮，竊獨悲此凜秋：白露既下降百草兮，奄離披此梧楸。去白日之昭昭兮，襲長夜之悠悠。離芳藹之方壯兮，余委約而悲愁。秋既先戒以白露兮，冬又申之以嚴霜。收恢台之孟夏兮，然坎僚而沈藏。葉菸邑而無色兮，枝煩擘而交橫。顏淫溢而將罷兮，柯彷彿而委黃。葡櫛樛之可哀兮，形銷鑠而瘵傷。惟其紛糅而將落兮，恨其失時而無常。覽騏驎而下節兮，聊逍遙以相羊。歲忽忽而道盡兮，恐余壽之弗將。悼余生之不時兮，逢此世之倥傯。澹容與而獨倚兮，蟋蟀鳴此西堂。心怵惕而震盪

兮，何所憂之多方。仰明月而太息兮，步列星而極明。

何時俗之工巧兮，背繩墨而改錯。却騏驥而不乘兮，策鴛駘而取路。當世豈無騏驥兮，誠莫之能善御。見執轡者非其人兮，故駒跳而遠去。鳧雁皆喙夫梁藻兮，鳳愈飄翔而高舉。鬪鑿而方柄兮，吾固知其鉏耨而難入。衆鳥皆有所登棲兮，鳳獨遑遑而無所集。願銜枚而無言兮，常被君之渥洽。太公九十乃顯榮兮，誠未遇其匹合。謂騏驥兮安歸，謂鳳凰兮安棲。變古易俗兮世衰，今之相者兮舉肥。騏驥伏匿而不見兮，鳳凰高飛而不下。鳥獸猶知懷德兮，何云賢士之不處。驅不驟進而求服兮，鳳亦不貪倏而妄食。君棄遠而不察兮，雖願忠其焉得。欲寂寞而絕端兮，竊不敢忘初之厚德。獨悲愁其傷人兮，憑鬱鬱其何極。

霜霧慘悽而交下兮，心尙奈其弗濟。霰雪零糅其增加兮，乃知遺命之將至。願微幸而有待兮，泊莽莽與野草同死。願自往而徑遊兮，路壅絕而不通。欲循道而平驅兮，又未知其所從。然中路而迷惑兮，自壓案而學誦。性愚陋以褊淺兮，信未達乎從容。竊美申包胥之氣盛兮，恐時世之不固。何時俗之工巧兮，滅規矩而改鑿。獨耿介而不

隨兮，願慕先聖之遺教。處濁世而顯榮兮，非余心之所樂。與其無義而有名兮，寧窮處而守高。食不媮而爲飽兮，衣不苟而爲溫。竊慕詩人之遺風兮，願託志乎素餐。蹇充儷而無端兮，泊莽莽而無垠。無衣裘以御冬兮，恐溘死不得見乎陽春。（楚辭）◆